



INFORMASHON

Fecha
29 di ougùstùs 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Desaroyá regla i instrumento pa por manehá terenonan i edifisionan di Gobièrnu i tambe pa por manehá nos awanan teritorial

Gobièrnu di Kòrsou tin hopi tereno i edifisio komo propiedat inmóbil. Tambe Gobièrnu tin diferente playa i awa teritorial ku ta di dje. Esakinan mester keda manehá na un manera optimal. Esaki ta enserá entre otro kiko ta hasi ku i/òf pa kiko ta hasi uso di e terenonan, edifisionan, òf playanan aki.

Domeinbeheer ta e instansia di Gobièrnu di Kòrsou ku ta responsabel pa atministrashon i maneho di terenonan, edifisionan i playanan di Gobièrnu. Pa por hasi esaki, Domeinbeheer tin e tarea prinsipal di desaroyá regla i instrumento relashoná ku maneho di propiedatnan di Gobièrnu.

Reglanan ta enserá entre otro:

- Prosedura pa un persona òf kompania por haña un propiedat di Gobièrnu pa e hasi uso di dje
- Prosedura tokante uso di e propiedat
- Palabrashon tokante periodo ku e propiedat ta bira disponibel

Domeinbeheer konstantemente ta trahando regla i instrumentonan nobo òf ta adaptá esnan eksistente pa garantisá uso optimal di propiedatnan di Gobièrnu.